

պեալ և յեցեալ յալիս, զիտ<sup>օ</sup>րդ շնար է 'ի կշիռ գալ ընդ  
 առն թաղաւորի եւ իշխանի. զի ամենայն դժուարինք,  
 դիւրինք և հնարաւորք են առ նմա. զի խոստացաւ նա տալ  
 յիւրաքանչիւր ամի Սուլթանին մերոյ զայս չափ ընծայս  
 և առ իս ծառայս և սարուկս, և որ ինչ միանգամ կարեւոր  
 իրք զիպեացին մեզ այլազգեացս յայլսարհին իւրում, ան-  
 յապաղ կատարել. միթէ և դուք կարո՞ղ էք վճարել զայ-  
 սոսիկ, Լուեալ Մարտիրոսի զխիստ բանս բարեկամաց իւ-  
 րոց՝ 'ի միտ առ թէ այնուհետեւ անհնար է շահիլ զմիտս  
 նոցա. և զի ինքն մերկացեալ էր յամենայն ընչից և դրա-  
 մոց. զի զոր ինչ ժողովեալ էր ցայն վայր՝ ծախեաց զա-  
 մենայնն: Եւ այլազգի բարեկամք նորին այլ ոչ եւս ան-  
 սային ճարտարութեան բանից և քաղցրութեան բարուց.  
 զի վազ փոխանակեալ էին զայնս ընդ մեծապարգեւ ըն-  
 ծայս Վրաց: Եւ մանաւանդ հասեալ էր յակննջս նորա  
 տառապանք ազգին իւրոյ որ ընդ իշխանութեամբ նոցին.  
 զի յամենայն ուրեք խոշտանգանօք ժողովէին զգրամս 'ի  
 հատուցումն խոստացեալ հարկին: Աւստի 'ի բաց եկաց  
 'ի Գողգոթայէ. և խորհրդով Սուլթանին ընտրեաց վիճակ  
 ազգին իւրոյ զազոթատեղին թաղաւորաց յանդիման Գող-  
 գոթայի 'ի տաճարի անդ, եւ խնդրեալ էաւ 'ի Սուլթա-  
 նէն վկայութեամբ դատաւորաց եւ մեծամեծացն այլազ-  
 գեաց. լինել տեղին այն սեփհական ժառանգութիւն ազ-  
 գին Հայոց, և փակեցին զայն անիծիւք ըստ օրինաց իւր-  
 եանց. և 'ի դարձին իւրում Մարտիրոսի յերուսաղէմ, եւ  
 հաստատել 'ի դատաւորաց և 'ի վերակացուաց մզկիթին Օմա-  
 րայ: Եւ ապա սկիզբն արարեալ շինեաց զայն եկեղեցի վա-  
 յելուչ կրկին խորանօք, ծախեալ 1000 Փլորին, և անուա-  
 նեաց երկրորդ Գողգոթայ. և զարդարեալ պայծառացոյց  
 եկեղեցական զարդուք: Իսկ նախանձորդք ազգիս՝ դար-  
 ձեալ ոչ զարդարէին 'ի յուզելոյ զազմուկս և խռովութիւնս,  
 եւ կամէին իրախնել զգործն 'ի ձեռս այլազգեաց, զի  
 հակառակ և դժօլիհի իմն էր նոցա շինութիւն տեղոյն,  
 և բնակութիւն միաբանացն Հայոց 'ի տաճարի անդ: Այլ  
 Մարտիրոս ծախեալ բազում ինչ, յաղթեաց ամենայն  
 դժուարութեանց և խափանեաց զխորհուրդս նոցա, և 'ի  
 դրախ եհան զգործն, որոյ բովանդակ ծախուց գումարն